



Ձեկնիչ

ԲԻԶՆԵՍԻ ԲԱՐԵՎԱՐՔՈՒԹՅԱՆ ԱԿՈՒՄԲԻ ՇԱՀԱԿԻՑՆԵՐԻ ՔԱՐՏԵԶԱԳՐՄԱՆ

Ներածություն

Բիզնեսի բարեվարքության ակումբի (Ակումբ) շահակիցների քարտեզագրումն իրականացվել է Միջազգային մասնավոր ձեռնարկատիրության կենտրոնի կողմից աջակցվող «Ուժեղ ասոցիացիաներ և պալատներ՝ շահերի ուժեղ պաշտպաններ» ծրագրի (Ծրագիր) շրջանակներում:

Ակումբի շահակիցների քարտեզագրումն իրականացվել է ֆոկուս խմբային քննարկումների միջոցով:

Քարտեզագրման աշխատանքներին անմիջականորեն աջակցել է Ծրագրի շրջանակներում ներգրավված մենթորը՝ հակակոռուպցիոն հավաքական գործողության գծով մասնագետ և Հավաքական գործողության միջազգային ցանցի հիմնադիր [Պանա Ռաթանարանանգլունը](#):

Քարտեզագրման աշխատանքներում իրենց ներդրումն են ունեցել Ակումբի խորհրդատվական խորհրդի անդամները և Ակումբի մասնակիցները:

Ակումբի շահակիցների քարտեզագրման մեթոդաբանությունը

Ակումբի շահակիցների քարտեզագրումն իրականացվել է ֆոկուս խմբային քննարկումների միջոցով: Ֆոկուս խմբերի մասնակիցների ընտրանքը կատարվել է այնպես, որ դրանցում ներկայացված լինեն մասնավոր, հանրային, քաղաքացիական հասարակության և միջազգային կառույցների ներկայացուցիչներ, ինչպես նաև անհատ փորձագետներ:

2024 թվականի հունվար ամսվա ընթացքում անցկացվել է երեք ֆոկուս խմբային քննարկում, որոնց ընդհանուր առմամբ մասնակցել է 20 անձ:

Ակումբի շահակիցների քարտեզագրումը նպատակ է հետապնդել՝

- բացահայտել Ակումբի հիմնական շահակիցներին, դրանց դասակարգել՝ ըստ առաջնահերթությունների (ըստ Ակումբի նկատմամբ ունեցած հետաքրքրվածության և Ակումբի վրա ունեցած ազդեցության) և որոշել դրանց հետ համագործակցության հիմնական եղանակները,
- արդյունավետորեն կառավարել ռեսուրսները և նպաստել գործադրվող ջանքերի նպատակաուղղվածությանը,
- բացահայտել Ակումբի զարգացման հիմնական ուղղությունները:

Ֆոկուս խմբային քննարկումների մասնակիցները եկել են համաձայնության որպես *շահակից դիրարկել անձանց (իրավաբանական և ֆիզիկական), որոնց գործունեությունն ու շահերն առնչվում են Ակումբի գործունեությանն ու շահերին, և որոնք կարող են էապես ազդել Ակումբի կողմից իր նպատակներին հասնելու կարողության վրա:*

Ակումբի շահակիցներին բացահայտելու նպատակով ֆոկուս խմբային քննարկումների մասնակիցներին ուղղվել են հետևյալ հարցերը.

1. Ու՛մ նկատմամբ Ակումբն ունի պարտավորություններ (պայմանագրային, Ակումբի ներքին կարգավորումներով պայմանավորված):
2. Ու՛մ վրա են ազդում Ակումբի որոշումները և գործողություններն ինչպես դրական, այնպես բացասական առումներով:
3. Ո՛վ կարող է ազդել (ինչպես դրական, այնպես բացասական առումներով) Ակումբի կողմից իր նպատակներին հասնելու կարողության վրա:
4. Նախկինում ո՛ւմ հետ է համագործակցել Ակումբը:

Բացի Ակումբի շահակիցների բացահայտմանը միտված հարցերից, ֆոկուս խմբային քննարկումների ընթացքում շոշափվել են շահակիցների հետ համագործակցության հիմնական եղանակներին ու Ակումբի հետագա զարգացմանը վերաբերող հարցեր:

Ակումբի շահակիցների քարտեզագրման արդյունքները



- 1. Բարձր հետաքրքրվածություն – բարձր ազդեցություն ունեցող շահակիցներ.** անձինք, որոնց նկատմամբ Ակումբն ունի պարտավորություններ կամ որոնք Ակումբի նկատմամբ ունեն պարտավորություններ (օրինակ՝ Կորպորատիվ Կառավարման Կենտրոն, Ակումբի մասնակիցներ), որոնց հետ Ակումբն ունի համագործակցության հաջող փորձառություն: Բացի այդ, համագործակցությունն ունի զարգացման զգալի ներուժ: Ֆոկուս խմբային քննարկման մասնակիցները շահակիցների այս խմբին բնութագրել են որպես առավել զգայուն, քանի որ դրանք Ակումբին տվել են իրենց վստահության քվեն: Հետևաբար, դրանց հետ ներառական համագործակցության շարունակումը համարել են առաջնային խնդիր:
- 2. Բարձր հետաքրքրվածություն – ցածր ազդեցություն ունեցող շահակիցներ.** անձինք, որոնք ունեն Հայաստանի գործարար հատվածում լավ կառավարման մշակույթը ջատագովելու առաքելություն: Հետևաբար, Ակումբի գործունեության նկատմամբ դրանց հետաքրքրվածությունն ապրիորի կարելի է համարել բարձր: Ազդեցությունը գնահատվել է ցածր՝ հաշվի առնելով դրանց հետ համագործակցելու փորձի բացակայությունը: Շահակիցների այս խմբի որոշ մասնակիցների հետ Ակումբը համագործակցել է, սակայն համագործակցությունն ինստիտուցիոնալ առումով դեռևս չի կայացել: Ֆոկուս խմբային քննարկման մասնակիցները շահակիցների այս խմբին բնութագրել են որպես համագործակցության բարձր ներուժ ունեցող խումբ և առաջարկել Ակումբը ներկայացնելու նպատակով դրանց ուղղել համագործակցության առաջարկներ ու նախապատրաստվել հանդիպումների:
- 3. Ցածր հետաքրքրվածություն – բարձր ազդեցություն ունեցող շահակիցներ.** անձինք, որոնք՝ որպես քաղաքականություն մշակողներ, գործարար շահերի պաշտպաններ, կարծիք ձևավորողներ, ֆիդուցիար պարտականություններով օժտվածներ, կարող են էապես ազդել Ակումբի գործունեության վրա, սակայն դեռևս առկա չէ Ակումբի հետ ինստիտուցիոնալ համագործակցության փորձը: Եթե նույնիսկ համագործակցություն եղել է, դա դրվագային է և որոշ դեպքերում պայմանավորված է եղել համապատասխան գերատեսչությունը կամ կազմակերպությունը ներկայացնող անձի կամքով: Այս խմբում ներառված Տնտեսական մրցակցության հանձնաժողովի, Մարդու իրավունքների պաշտպանի գրասենյակի, Պետական եկամուտների կոմիտեի և Բարձր տեխնոլոգիական արդյունաբերության նախարարության հետ Ակումբը չունի համագործակցության փորձառություն: Հետևաբար, նրանց հետաքրքրվածության որակումը որպես ցածր կարելի է համարել պայմանական: Առաջին երեք գերատեսչությունների ներառումը քարտեզում պայմանավորվում է ՀՀ հակակոռուպցիոն նոր ռազմավարությունից բխող գործողությունների ծրագրում գործարար բարեվարքության առնչությամբ նրանց վերագրվող դերով, իսկ Բարձր տեխնոլոգիական արդյունաբերության նախարարության ներգրավումը՝ ոլորտային

կազմակերպություններին պետական աջակցության տրամադրմամբ: Ըստ ֆոկուս խմբային քննարկման մասնակիցների՝ պետական աջակցություն ստացող կազմակերպությունները պետք է էապես տարբերվեն հակակոռուպցիոն համապատասխանության իրենց հանձնառությամբ և այն իրագործելու իրենց կամքով: Հետևաբար, այս գաղափարը ջատագովելու կարիք կա ոչ միայն Բարձր տեխնոլոգիական արդյունաբերության նախարարությունում, այլև մասնավորին միտված պետական աջակցության ցանկացած ծրագրի կտրվածքով: Ֆոկուս խմբային քննարկման մասնակիցները կարևորեցին շահակիցների այս խմբի հետ համագործակցության բարձր ներուժը, տարվելիք աշխատանքը որակեցին որպես ծանր, սակայն՝ անհրաժեշտ: Առաջարկվեցին համագործակցության տարբեր եղանակներ, որոնք բերված են ներքևում:

4. Ցածր հետաքրքրվածություն – ցածր ազդեցություն ունեցող շահակիցներ. անձինք, որոնք դեռևս հետաքրքրված չեն Ակումբով և էապես չեն կարող ազդել իր առաքելությունն իրականացնելու Ակումբի կարողությունների վրա, սակայն դրանց գոյությունը չի կարելի բացառել: Ֆոկուս խմբային քննարկման մասնակիցներն առաջարկեցին այս խմբին մշտապես տեղեկացնել Ակումբի գործունեության մասին:

Ակումբի շահակիցների հետ հաղորդակցման եղանակները

Ֆոկուս խմբային քննարկման մասնակիցներն այն կարծիքին էին, որ շահակիցների հետ հաղորդակցումը կարող է կատարվել տարբեր եղանակներով: Այն կարող է լինել ֆորմալ և ոչ ֆորմալ, տարբեր ձևաչափերով՝ անհատական հանդիպումներ, դասընթացներ, վերապատրաստումներ, հանրային լսումներ, հարցումներ, ֆոկուս խմբային քննարկումներ, համաժողովներ, կլոր սեղաններ, աշխատանքային խմբեր, հաղորդակցում սոցիալական ցանցերում և այլն

Երկրորդ խումբ	Առաջին խումբ
Նամակագրական կապ/էլեկտրոնային հաղորդակցություն	Նամակագրական կապ/էլեկտրոնային հաղորդակցություն
Անհատական հանդիպումներ	Ակումբի միջոցառումներում ակտիվ ներգրավվածության ապահովում
Համատեղ միջոցառումներ	Համատեղ միջոցառումներ
Աշխատանքային խմբերում ներգրավում	Անհատական հանդիպումներ
Հարցումներ	Ակումբի հանդիպումներ/քննարկումներ
Վերապատրաստումներ, դասընթացներ, համաժողովներ, կլոր սեղաններ, վարպետության դասեր	Թեմատիկ խնդիրների լուծման/դրանց վերաբերյալ Ակումբի դիրքորոշումը ներկայացնելու նպատակով աշխատանքային խմբերի ձևավորում
Ակումբի հանդիպումներին/քննարկումներին հյուրընկալում	Հարցումներ
Ակումբի լրատու	
Տարեկան հաշվետվություն	
Սոցիալական ցանցեր	

Չորրորդ խումբ	Երրորդ խումբ
<p>Վերապատրաստումներ, դասընթացներ, համաժողովներ, կլոր սեղաններ, վարպետության դասեր</p> <p>Ակումբի մասնակիցների հանդիպումներին/քննարկումներին հյուրընկալում</p> <p>Ակումբի լրատու</p> <p>Տարեկան հաշվետվություն</p> <p>Սոցիալական ցանցեր</p>	<p>Վերապատրաստումներ, դասընթացներ, համաժողովներ, կլոր սեղաններ, վարպետության դասեր</p> <p>Ակումբի լրատու</p> <p>Տարեկան հաշվետվություն</p> <p>Սոցիալական ցանցեր</p>
<p>Վերապատրաստումներ, դասընթացներ, համաժողովներ, կլոր սեղաններ, վարպետության դասեր</p> <p>Ակումբի մասնակիցների հանդիպումներին/քննարկումներին հյուրընկալում</p> <p>Ակումբի լրատու</p> <p>Տարեկան հաշվետվություն</p> <p>Սոցիալական ցանցեր</p>	<p>Նամակագրական կապ/էլեկտրոնային հաղորդակցություն</p> <p>Անհատական հանդիպումներ</p> <p>Համատեղ միջոցառումներ</p> <p>Աշխատանքային խմբերում ներգրավում</p> <p>Հարցումներ</p> <p>Վերապատրաստումներ, դասընթացներ, համաժողովներ, կլոր սեղաններ, վարպետության դասեր</p> <p>Ակումբի հանդիպումներին/քննարկումներին հյուրընկալում</p> <p>Ակումբի լրատու</p> <p>Տարեկան հաշվետվություն</p> <p>Սոցիալական ցանցեր</p>

Ֆոկուս խմբային քննարկումների մասնակիցներն առաջարկել են ապահովել Ակումբի ներկայացվածությունը սոցիալական ցանցերում, ինչպիսիք են Twitter-ը և Telegram-ը, ինչպես նաև բարձրացնել շահակիցների առաջին երեք խմբերի հետ հաղորդակցման հաճախականությունը:

Ակումբի հետագա զարգացման վերաբերյալ ֆոկուս խմբային մասնակիցների օգտակար կարծիքները և մոտեցումները

Ակումբը հսկայածավալ աշխատանք ունի անելու: Բարեվարքության մասին խոսելիս մինչ օրս կշեռքի նժարը թեքվում էր դեպի հանրային հատվածը: Բարեվարքությունը մեկն է, և առանց մասնավոր և հանրային հատվածներում բարեվարքության չափանիշների հավասարազոր կիրառման՝ կոռուպցիայի կանխարգելման և պայքարի գործընթացում հաջողելու հավանականությունը չափազանց ցածր է: Այս հարցում Ակումբը կարող է ստանձնել առաջնորդող դերակատարում:

Ակումբն առաջիկա երեք տարիների համար որպես կատարման ենթակա գործողություն կարող է ընդունել.

1. Հայաստանում հակակոռուպցիոն բարեփոխումների մոնիթորինգի վերաբերյալ [ՏՀԶԿ գեկույցը](#), որում, մասնավորապես, անդրադարձ է կատարվում Հայաստանի կորպորատիվ կառավարման միջավայրին: [ՏՀԶԿ գեկույցի ընդհանուր եզրակացությունն այն է, որ Կորպորատիվ կառավարման կանոնագրքի կիրարկման](#)

համար անհրաժեշտ կառուցակարգերը ներկայումս բացակայում են, ինչը խոչընդոտում է ընկերությունների կողմից Կանոնագրքին հետևելուն ու ընկերությունների կառավարման պրակտիկայի բարելավմանը:

2. ՀՀ կառավարության 2023թ.-ի հոկտեմբերի 26-ի թիվ 1871-Լ որոշմամբ հաստատված [Հայաստանի Հանրապետության 2023-2026թթ.-ի հակակոռուպցիոն ռազմավարությունը և դրանից բխող 2023-2026թթ.-ի գործողությունների ծրագիրը](#) (Ծրագիր), մասնավորապես՝ Գործողություն 4.1.-ը՝ Գործարար ոլորտում ներդնել հակակոռուպցիոն համապատասխանության կառուցակարգեր՝ զարգացնելով կորպորատիվ կառավարման մշակույթը, որի կտրվածքով Կորպորատիվ Կառավարման Կենտրոնը ճանաչվել է համակատարող:

Անհրաժեշտ է շարունակել գործարար հատվածի՝ լավ կառավարման, բարելավրքության, կոռուպցիայի դրսևորումների և կոռուպցիոն ռիսկերի վերաբերյալ իրազեկումը և համապատասխան կարողությունների զարգացումը: Որպես հնարավոր թեմա առաջարկվել է բիզնեսի ներգրավվածությունը քաղաքական ֆինանսավորման մեջ:

Ակումբը պետք է իր ջանքերն ուղղի գործարար մտածելակերպը փոխելուն. ընկերությունները պետք է ընկալեն ոչ միայն իրենց տնտեսական, այլև սոցիալական դերը: Իր տեսանկյունից ասպիկվելու նպատակով Ակումբը պետք է աշխատի ներգրավել հանրային նշանակություն ունեցող, խոշոր հեղինակավոր ընկերությունների և ինչքան հնարավոր է հեռավորություն պահի հանրային հատվածից: Վերջին մտքի հետ ֆոկուս խմբային քննարկման մասնակիցներն արտահայտեցին իրենց անհամաձայնությունը հետևյալ ձևակերպմամբ՝ «մասնավոր հատվածում ազնվության, թափանցիկության և էթիկայի չափանիշների բարձրացումը պահանջում է բազմաթիվ շահակիցների, այդ թվում՝ հանրային հատվածի հետ համաձայնեցված, կայուն և հավաքական գործողություն»:

Անհրաժեշտ է ջատագովել, որ մասնավոր հատվածին միտված պետական աջակցության ծրագրերում որպես ընտրության չափորոշիչ ընդունվի ռեցիպիենտ ընկերություններում հակակոռուպցիոն գործուն ծրագրի առկայությունը:

Ակումբի շահակիցների իրական պատկերը բացահայտելու համար ֆոկուս խմբային քննարկումների մասնակիցներն իրենց հերթին բարձրաձայնել են մի շարք հարցեր, որոնցից ամենաէականն է՝ ինչպիսի՞ն է Հայաստանում ձեռնարկատիրության էկոհամակարգի ներկա վիճակը:

Քննարկման ընթացքում չհաջողվեց ստանալ հարցի օբյեկտիվ և համակողմանի պատասխանը: Այդ իսկ պատճառով փորձ է կատարվել հուզող հարցի պարզաբանումը գտնել [հետազոտական աղբյուրներից](#), համաձայն որոնց՝

վերջին տարիներին Հայաստանում արձանագրվել է ձեռնարկատիրության բարձր մակարդակ: Հայաստանի բնակչության 28%-ը զբաղվում է որևէ բիզնեսով (ինչպես սկսնակ, այնպես էլ կայացած), և այս ցուցանիշով Հայաստանը 6-րդն է 50 երկրների մեջ: Սկսնակ ձեռնարկատիրության մակարդակով Հայաստանը բավականին բարձր դիրքում է. յուրաքանչյուր 5-րդը ներգրավված է որևէ տեսակի սկսնակ ձեռնարկատիրական գործունեության մեջ (21%): Այդ ցուցանիշով Հայաստանը

զբաղեցնում է 7-րդ տեղը 50 երկրի շարքում և 1-ինն է Արևելյան Եվրոպայում: Հայաստանն առաջատարներից է ձեռնարկատիրական գործունեության մեջ երիտասարդների ներգրավվածության մակարդակով:

Դրա հետ մեկտեղ, կայացած բիզնեսի ցուցանիշով (չափահաս բնակչության 7.8%) Հայաստանը միջին դիրքում է (23-րդը 50-ից): Սա, ըստ էության, փաստում է Հայաստանում ձեռնարկատիրության զարգացման փուլում ինստիտուցիոնալ խոչընդոտների առկայության մասին և նշանակում, որ երկրում շեշտը պիտի դրվի սկսնակ բիզնեսին սատարելու ու վերջինիս զարգացման համար ավելի նպաստավոր պայմաններ ստեղծելու վրա:

Հայաստանում ձեռնարկատիրությամբ զբաղվելն ունի դրական նախադրյալներ, ինչպիսին է, օրինակ՝ «բիզնեսը ցանկալի կարիերա է» և «բիզնեսի նպատակը սոցիալական խնդիրներ լուծելն է»: Մյուս կողմից ծանրակշիռ են նաև բացասական նախադրյալները, օրինակ՝ հասարակության եկամուտների ցածր մակարդակը, ինչի մասին փաստում է կարիքից դրդված բիզնես սկսելու ամենատարածված շարժառիթ լինելը: Ձեռնարկատերերի շուրջ 90%-ը համաձայն է պնդման հետ, որ ձեռնարկատիրությամբ զբաղվում են «ապրուստ վաստակելու նպատակով, որովհետև աշխատանք չկա», մինչդեռ նպատակասլաց դրդապատճառի՝ «աշխարհում մի բան փոխելու» ցանկությամբ բիզնես սկսելու ցուցանիշով Հայաստանն ամենացածր դիրքերում է (47-րդը 50-ից):

Հավանաբար, նաև այս գործոնն է պատճառը, որ Հայաստանում ձեռնարկատիրության կենտրոնացումը 2 ճյուղում՝ գյուղատնտեսությունում և առևտրում, բարձր է: Ընդ որում, ամենացածր արտադրողականությունն ունեցող ճյուղի՝ գյուղատնտեսության մասնաբաժնով Հայաստանն առաջին տեղում է, իսկ ամենաբարձր արտադրողականությունն ունեցող ճյուղի՝ բիզնես ծառայությունների մասնաբաժնով վերջին տասնյակում:

Հայաստանում ձեռնարկատիրության կարևոր առանձնահատկություն է ձախողվելու վախը, որի պատճառով շատերը նախընտրում են բիզնեսով չզբաղվել: Սա, թերևս, կարելի է բացատրել հայկական բիզնես մշակույթով, որտեղ բիզնեսը նույնացվում է դրա սեփականատիրոջ հետ, և բիզնեսի ձախողումն ընկալվում է որպես անձնական ձախողում:

Ակումբի SWOT վերլուծությունը

Հաշվի առնելով Ծրագրի շրջանակներում մենթորի հետ համագործակցությունը, ֆոկուս խմբային քննարկումների մասնակիցների մոտեցումները և հիշյալ հետազոտության արդյունքները՝ կատարվել է Ակումբի SWOT վերլուծությունը:

ՈՒԺԵՂ ԿՈՂՄԵՐ	ՀՆԱՐԱՎՈՐՈՒԹՅՈՒՆՆԵՐ
<ol style="list-style-type: none"> 1. Լավ կառավարման, այդ թվում՝ բարեվարքության սկզբունքը հարգող ակտիվ մասնակիցներ (կազմի շուրջ 60%) 2. Արդյունավետ համագործակցություն ՀՀ արդարադատության նախարարության և Կոռուպցիայի կանխարգելման հանձնաժողովի հետ 3. Ֆինանսական և տեխնիկական աջակցությունը CIPE-ից, CLDP-ից, IFC-ից 4. ԿԿԿ ռեսուրսները և մասնագիտական փորձաքննությունը 	<ol style="list-style-type: none"> 1. ՀՀ հակակոռուպցիոն 2023-2026թթ. նոր ռազմավարությունն ու դրանից բխող գործողությունների ծրագիրը 2. Երիտասարդ գործարարների կողմից լավ կառավարման մշակույթը հարգելը և դեպի շահակիցները միտվածությունը 3. Հայաստանում բարեվարքության և հակակոռուպցիոն համապատասխանության խթանման հարցում միջազգային կազմակերպությունների և դոնորների հետաքրքրվածությունը
ԹՈՒՅԼ ԿՈՂՄԵՐ	ՄՊԱՌՆԱԼԻՔՆԵՐ
<ol style="list-style-type: none"> 1. Ֆինանսավորման չդիվերսիֆիկացված աղբյուրները 2. Մասնակիցների որոշ մասի անտարբերությունն ու պասիվությունն Ակումբի գործունեության նկատմամբ (20%) 3. Մարդկային սահմանափակ ռեսուրսները 	<ol style="list-style-type: none"> 1. Հայաստանյան գործարար հատվածի կենտրոնացումը կարճաժամկետ նպատակների վրա և բիզնեսը որպես միայն ապրուստի միջոց դիտարկումը 2. Շուկայի հիմնական դերակատարների, այդ թվում՝ պետական մարմինների կողմից կորպորատիվ կառավարման չդիտարկումը որպես առաջնահերթություն 3. Հայաստանի առջև ծառայած աշխարհաքաղաքական, սոցիալ-տնտեսական մարտահրավերը 4. Բիզնեսով զբաղվելու դեպքում ձախողվելու վախը

Ակումբի գործողությունների տարեկան ծրագիրը՝ ըստ առաջնահերթությունների և իրագործման ժամկետների¹

	Քարձր առաջնահերթության	Միջին առաջնահերթության
<p>Կարճաժամկետ (< 6 ամիս)</p> <p>Հայտի ներկայացում «ՀՀ հակակոռուպցիոն ռազմավարության և դրանից բխող 2023-2026 թվականների գործողությունների ծրագրի» (Ծրագիր) իրականացման, մշտադիտարկման նպատակով նախատեսված հակակոռուպցիոն աշխատանքային խմբում ներառվելու նպատակով (հայտը ներկայացված է)</p> <p>Ծրագրի 4.1 գործողության իրականացման նպատակով հանդիպում ՀՀ էկոնոմիկայի և արդարադատության նախարարությունների պատասխանատուների հետ (հանդիպումը կայացել է: Ս.թ. մարտի 21-ին ԿԿԿ-ն, Ակումբը CLDP-ի աջակցությամբ հրավիրում են աշխատաժողով, որն անմիջականորեն կապված է 4.1 գործողության հետ)</p> <p>Լավ կառավարմանը և հակակոռուպցիոն համապատասխանությանը նվիրված իրազեկման միջոցառումների կազմակերպում</p> <p>Ակումբի ներկայացվածության ապահովում Twitter և Telegram սոցիալական ցանցերում</p> <p>Շահակիցների 2-րդ և 3-րդ խմբերին համագործակցության նամակների հասցեագրում և հնարավորինս Ակումբով հետաքրքրվածության և ազդեցության բարձրացում</p> <p>Ակումբի մասնակիցների կարողությունների զարգացում, հատկապես՝ հակակոռուպցիոն համապատասխանության վերլուծությունների և հաշվետվականությանն աջակցման միջոցով</p>	<p>Ծրագրի 4.1 գործողությամբ նախատեսված ԿԿ կանոնագրքի վերանայում, ըստ 2023թ.-ին վերանայված G20/OECD ԿԿ սկզբունքների, և շահակիցների հետ քննարկում</p> <p>Ակումբի բաց հանդիպումների կազմակերպում՝ պետական մարմինների, մասնավոր հատվածի, միջազգային կառույցների ներկայացուցիչների հյուրընկալմամբ</p>	

¹ Ակումբի գործողությունների ծրագիրը մշակվել է մեկ տարվա համար՝ հաշվի առնելով այն հանգամանքը, որ շահակիցների քարտեզագրման վարժանքը կատարվելու է տարեկան կտրվածքով:

<p>Միջնաժամկետ (6 - 12 ամիս)</p>	<p>Լավ կառավարմանը և հակակոռուպցիոն համապատասխանությանը նվիրված իրազեկման միջոցառումների կազմակերպում</p> <p>Ակումբի կարողությունների զարգացում, հատկապես՝ հակակոռուպցիոն համապատասխանության վերլուծությունների և հաշվետվականությանն աջակցման միջոցով</p> <p>Ջատագովում, որ մասնավոր հատվածին միտված պետական աջակցության ծրագրերում որպես ընտրության չափորոշիչ ընդունվի ռեցիպիենտ ընկերություններում հակակոռուպցիոն գործուն ծրագրի առկայությունը:</p> <p>Երիտասարդ գործարարների համար բարեվարքության դպրոցի կազմակերպում</p> <p>Երիտասարդ գործարարների համար ESG դպրոցի կազմակերպում</p>	<p>Ծրագրի 4.1 գործողությամբ նախատեսված ԿԿ կանոնագրքի վերանայված նախագծի ներկայացում ՀՀ էկոնոմիկայի նախարարություն</p> <p>Ակումբի բաց հանդիպումների կազմակերպում՝ պետական մարմինների, մասնավոր հատվածի, միջազգային կառույցների ներկայացուցիչների հյուրընկալմամբ</p>
---	--	--

Ակումբի գործողությունների ծրագրի կատարողականի հիմնական ցուցանիշները

- Հակակոռուպցիոն աշխատանքային խմբում Ակումբի ներկայացվածություն,
- Ակումբի շահակիցների առաջին խումբը 3-րդ և 4-րդ խմբերից առնվազն երկուական շահակցով համալրում,
- Ակումբի մասնակիցների համալրում առնվազն 10 մասնակցով, այդ թվում հանրային, խոշոր հեղինակություն ունեցող առնվազն 2 մասնակցով,
- Լավ կառավարմանը և հակակոռուպցիոն համապատասխանությանը նվիրված իրազեկման առնվազն 10 միջոցառման կազմակերպում,
- Լավ կառավարման և հակակոռուպցիոն համապատասխանության վերաբերյալ առնվազն 150 կազմակերպության և 200 ֆիզիկական անձի իրազեկում,
- Երիտասարդ գործարարների համար բարեվարքության դպրոցի առնվազն 30 շրջանավարտ,
- Երիտասարդ գործարարների համար ESG դպրոցի առնվազն 30 շրջանավարտ,
- Կորպորատիվ կառավարման վերանայված կանոնագրքի նախագիծ,

- Ակումբի մասնակիցների առնվազն 50%-ի կողմից Հակակոռուպցիոն համապատասխանության առաջընթացի վերաբերյալ հաշվետվության հրապարակում,
- Մասնավոր հատվածին միտված պետական աջակցության ծրագրերում որպես ընտրության չափորոշիչ ռեցիպիենտ ընկերություններում հակակոռուպցիոն գործուն ծրագրի առկայության վերաբերյալ առաջարկի ջատագովում:



(+374 99) 444 442



corpgov@corpgov.am



www.corpgov.am



Կորպորատիվ
Կառավարման
Կենտրոն